

GAMELIA

Festivis Nuptiarum honoribus
Nobilissimi, Amplissimi, & Doctissimi,

DOMINI

JOHANNIS à Baumgarten/

Secretarii Reipubl. Thorunensis
celeberrimi,

Et

Virginitatis ac pudicitiae dotibus clarissima

VIRGINIS

ANNÆ JUSTINÆ
KNIPPELIÆ,

die 21. Septembr. Anno 1694.

feliciter peractis,

applaudit

GREGORIUS PROXIUS,

Thor. Bor.



THORUNII,

Imprimebat Johannes Balthasar Bresler.

C 50.

naia

Die

= v. fol. 8, 38



Elix ille, Dei qui captat iussa per aures,
Et promptus roseo quod iubet ore
probat.
Felix ille, Dei qui paret legibus, omnem
Ac vitam turpi crimine purus agit.
Felix! ô felix, quem non vitiosa libido
Allicit, & vexat flagitiosa Venus.
Nam Deus, ut mens est pia, castaq; labis & expers,
Et gravat immensis impia corda malis:
Sic favet & casto castis ex sanguine natis,
Adjicit ex animo, quod petiere suo.
O fortunatos! ô terq; quaterq; beatos!
Qui vivunt vitiis & sine labe dies,
Qui cupiente Deo, cœlorum præside fiunt
Et duce supremo consociante, pares.
Illi felices, inquam, ter & amplius illi,
Quos Deus in cœlo copulat ipse duos!
Exemplo, Neonymphe, tuo res ipsa patescit,
Sponseq; Pierii pars veneranda chori.

Impressit Johannes Baptistae Presler.

Dic

Dic quoties flexo pede verba precantia dixti?
Dic? quoties sacros fundis ab ore sonos.
Formosam ut sociam virtutis & artis amantem
Duceret in thalamum, Sponse, Jehova, Tuum.
En, Deus admisit captans pia vota per auras,
Et pondus fufas jussit habere preces.
Ac thalami sociam fausto Tibi foedere jungit,
Et comitem vitæ necit amore Tibi.
Hæc ipsa est pietas, est ipsa modestia, quæ vix
Ulla datur Phyliris repperiunda solo.
Hæcce puellarum decus est, in cujus ocellis
Virtutis radios emicuisse vides.
Hæc Tibi ceu Conjux parebit recta monenti:
Et tua quæ fieri jussa jubebis, aget.
Te solum cupiet; Te nuptum diliget unum,
Te cupiet solum, Te sinet esse caput.
Haud scio num meliore queant duo pectora nexu
Vinciri, Sponso quàm nova nupta Tuo.
Ambo florentes, ætatibus ambo venusti,
Moribus & stirpis conditione pares.
Nec melius pulchris stant lilia mixta rosetis,
Quàm tali talis juncta Virago Viro.
Gratus odor Libani, Casiæ, thurisq; Sabæi,
Et quæ præterea Pharmacopæus habet:
Gratior ac multo castæ fragrantia tædæ,
Quem nova nupta Viro consociata tenet.

O par

O par Conjugium paribus quod nititur ulnis!
O fors vix ullis æquiparanda bonis!
Sponse tuâ dignus Sponsâ, Tu Sponsaq; Sponso
Digna, pares animis & pietate pares.
Vivite concordés, vestro pax aurea lecto
Assideat, palmis undiq; cinctâ suis.
Vivite Nestoreos ô Sponse & Sponsa per annos,
Quos hodie sacro fœdere junxit Hymen.

